

重刻來瞿唐先生日錄

重刻來瞿唐先生日錄

日錄外篇第五卷

遊華山太和二岳稿目錄

片二十七首

登濟渴亭留戲王次宇

歌

醉臥玉蟾寺

七言律

南隆卽事

絕句三首

靈雲洞

歌三首

贈別馬玄洞五華昆玉

七言律二首

登錦屏山東陳六亭

歌

陳六亭惠詩見招席上用韻贈答

七言律

千佛崖用陳玉壘韻
七言律二首

入棧
七言律二首

出棧
七言律

弔孫肯堂
七言律

登華山用李棠軒韻
七言律

毛女峰
七言律

蔣家臺阻雨
五言律

均州阻雨與主人蔣思東
七言律

紫霄宮
五言律

太和宮

七言律

澗

七言律

太和程道士

五言律

下太和山

七言律

續求溪稿目錄

凡四十一首

浩然歌

三首

青青螺督學示諸生四章後

道言

答王汝誠

書

遺珠忘者

道言

病足

絕句五首道言

楊兩洲臨別索墨跡

道言

答陳近夫

書

寄周壽齋冉西陵

七言律

寄秦獻葵

七言律

答吳蒙泉

書

輓隆見山

七言律

戊子求溪元日縱筆

七言律十首

答譚敬所

七言律二首

答陳七峰郡丞

七言律二道

答贈郭明府

古風

答黎樵石

書

用張南軒贈朱元晦首二句起韻贈謝郭青螺

古風

書便面贈送蔡令長

七言律二首

梅溪

歌

贈周十二

忝

雜述

答譚後山

七言律

答方玉崗

七言律

清風兩袖歌贈蔡令長以繁轉臨川

重刻來瞿唐先生日錄

遊華山太和二岳稿

登濟渴亭留戲王次字

千朵瓊峰亭一蝸白頭僧見問袈裟回首家山何處
是卽看萬壑起雲霞詩思觸景如奔馬原來陸羽沉
風雅一望天涯沉茫間誰是遶遶濟渴者計別于今
二十年幾度幽思月正圓寄與王弘舊知己百壺那
得酒如泉

醉臥玉蟾寺

用韻

金鳳峰前夢故鄉玉蟾宮裏見空王一灣古木煙霞

飽半榻條風枕簟涼祇爲青山長作客翻因白社更
添狂此身却笑如秋菊歲晚霜寒發異香

後山如月故以玉蟾名前數石瘖眠有殘星之
狀面一峰矗立林木鬱蔥亦異境也

南隆卽事

一雨千山萬山秋邐邐行人爲爾留欲去不去裊又
去邂逅相逢郭梓州

郭諱才華廣南人梓州博所著有梓州問答

樵谷之墓生陳夢子雲并輒亦堪哀千年有鶴歸遼
海豈知今日我重來

走筆棲遲寄玄洞兼問五華雙翫鳳今夕何夕別何
時記得相逢都是夢

靈雲洞

洞高廠眺眺而進其中黻然不可測長羸亦
瘁瘵好事者以石塞之側有呂洞賓瓜皮所
書之詩自云回道人後人名其厓爲瓜皮崖
得得得回視朱明無顏色飛身只到九萬里金丹不
在梯仙國得得得無南北

哈哈何物仙家是聖胎紫霞一飲一千杯說與世

東月之金 邊率以大利二占利
人莫浪猜哈哈騎龍媒

緊緊緊爾又復何之三千年之前爾約我飲瑤池宓
妃矍矍吹參差三千年之後我約爾遊須彌周遭弱
水繞金墀王母蟠桃花滿枝結實結實當其期女媧
五色補天梯銀灣此日奇更奇我騎赤鳳爾騎黃螭
去矣去矣復何疑緊緊緊緊且莫寫爪皮

贈別馬玄洞五華昆玉

少日相逢花滿簪而今鬢髮漸髮髮門前種柳應知
五庭外栽槐不止三笑我青山爲客慣多君綠蟻拚

誰酣欲猜回首相思處月滿瞿唐快活菴

千山扶轄卽涪濱一夜鄉關起夢思天爲故人須破
酒雨因行客欲催詩虎頭老去癡愈絕馬援功成弟
更竒正好番連同嘯傲新晴前路已清夷

登錦屏山東陳六亭

若有屏兮巴子之都錦江之表愚公移兮削成燉煌
剗兮天巧礪礪兮斗折擊掇兮回島瑤草斲兮不忍
發琪樹斲兮飛羽葆玉虹流兮沃日蕩雲風渾渾兮
來自木抄隔江機杼兮天女孫天涯一壘兮青未了

上有娥眉兮素月流天照江皓下有瞿唐兮十二巫
娘爭窈窕毓人文兮彞馘中有子昂挺出兮騷襲詩
賦兮摩空文雅兮摘藻如隨和兮光華流潤如琴筑
兮身榛繚繞七辯兮奴隸三紅兮襁褓謫予生平兮
好竒長于山水兮探討壘五岳兮趨一憶崑崙兮杳
渺諸山兮蹠一其景而胡此山兮來之不早嗟人生
兮石火嘆瀛海兮過鳥胡不于此兮巢雲築蝸虜兮
風矯與美人兮容與相羊長酬短唱兮和之應少招
赤斧兮絃太容咕麟脯兮設鳳腦符誰人兮壤蟲壘

八荒兮秋草

陳六亭惠詩見招席上用韻贈答

一笈蕭疎候啟明
千山浙瀝滿江城
多君濡翰心先
感笑我邯鄲脚始行
料得陳蕃懸夜榻
端知安石起
蒼生廟廊磊磊經綸事
且借鶯花頌治平

千佛崖用陳玉壘韻

二首

藁木山前暫卸驂
大雲橋畔入崖探
他鄉懷古雲生
屐吾道經今日應潭
偶見波濤牽一索
卽看霜雪飽
千龕塵寰替應無限
自是行人不肯諳

幻崖剝落路層層野水無心江自澄
花發杜鵑啼寶月夜闌漁火起
殘燈山中禾黍秋將杪匣裏雌雄氣
欲騰說與此間顛首客從來有相卽非僧

入棧二首

一線巉崖萬尺灘崖當危處護闌竿
秦關不爲張良絕曲道翻因李白難
客榻已除三伏熱秋砧漸擣萬家寒
吟成白雪無人和挑起青燈只自看

策馬迂遲沔水邊登山浙瀝復留連
雞頭黑墨雲垂地鳥道丹梯我上天
墊角自知成郭泰乘流誰欲泛

張騫主人不必窮名姓家住瞿唐十二巔

雞頭關名

出棧

一崦人家又一灣傍崖依路水潺潺穿林雲霧長隨
馬拂面風霾欲撼山醉裏已遊三岔驛夢中猶記七
盤關飛身出入只如此好向瀛洲講大還

弔孫肯堂

公在臺中按蜀時曾贈德三川高士扁

馬蹄迢遞路秋莎龍尾煙村迤半坡
太白山前雲欲散伏波里裏雨初過
故人地下無消息知我天涯苦

不多掛劍此情應未了。不堪暝色寫哀歌。

登華山用李棠軒韻

捫蘿踏石數山青。好睡仙人臥紫冥。鄉信欲憑巴子月。壯懷可摘大梁星。來尋五粒鞋將破。爲愛三峰戶不扃。一笑天涯何處客。御風駕電自泠泠。

毛女峰

阿房宮閣萬年枝。竒怪偏多在聖夷。二世已難分鹿馬。六宮安不傍熊羆。時開匳匣思秦闕。偶上峰巒見漢儀。人世幾番蒼海變。誰知松栢是仙芝。

蔣家臺阻雨

入晚雨未歇聲聲滴故鄉當窻衾覺薄作客夜偏長
修甍侵簷釜流波下石梁隣家沽酒得先請王人嘗
均州阻雨與主人蔣思東

自笑平生爲勝遊避雨仍居百尺樓殘樹遠隨青嶂
迥寒江晚并白雲流家山迢遞人千里客舍蕭疎酒
數甌欲把朱絃彈一曲子期未必在均州

紫霄宮

窄路自山腰危樓侵碧霄風雲蒸巨壑日月避高標

五炁應無術三丰不可招惟同吳別駕爛醉到通霄

太和山

宮殿參差翠欲流恍疑駘盪列皇州人間已見黃金屋天上靈傳白玉樓世變江河皆老佛時來山岳也
王侯南衡西華諸兄弟爲甚寒涼自慘愁

澗

諸峰峰麓千條澗澗裏幽堂有路通枯木猿聲雲正黑殘床鶴夢日初紅採芝客少還青嶂辟穀人多種
白菘顧我先師傳我訣仙經不必看參同

太和程道士

太和程道士淡薄厥人儻然掛崖邊樹床依石下荆
逢人談不死勸我學長安送客出林莽嚶嚶二鳥鳴

下太和山

亥磴針梯漸欲平一灣綠樹一溝銀青羊澗裏雲封
榻黑虎橋邊雨洗麕暫學陶潛方止酒翻成張翰偶
思蘿盃成不盡登臨意兩袖清風又問津

重刻來瞿唐先生日錄

續求溪稿

浩然歌

三首

我登天今天不高一時輕舉漸雲霧上帝錫我玉雞
毛授我心印光瑄瑄扶桑枝下設瓊醴蒲筵毗僂白
鳳膏群仙各佩金錯刀見我齊奏八琅璈黔羸俱列
雲漢臯拍掌笑落碧絲條人間何處此豪曹我登天
今天不高

我涉海兮水不多騎鸞鞭鳳一時過上帝錫我金卷
荷授我心印光佗佗方壺山下設瑤醴蒲筵筮香紫

峰駝群仙各佩紅玉珂見我齊唱白雪歌馬銜俱列
喬山坡拍掌笑指燭龍梭人間何處此隋和
我涉海
分水不多

笑翁笑翁錢鏗之壽何大蹙八百年後登鬼錄我有
靈藥自月窟栽在尼山前後麓泗水常時來灌沃心
君令如軍令肅日日不許牛羊牧數年暢茂高千屋
連根取來向空谷去點靈丹丹如玉服之此心如朝
旭安期浮伯赤斧屬輪迴之子不敢服到了而今丹
已熟上天下地隨我欲我欲登天兮清風爲其足我

欲涉海兮明月爲其轂上帝曰念哉我與爾壽齊天
地老但不與爾位不與爾祿笑矍笑矍錢鏗之壽何
大蹙八百年后登鬼錄

書郭青螺督學示諸生四章後

天地萬物與我一理本一貫也性道教特殊其名耳
此理瀾漫六虛之中始于愚夫蠢婦之所能知能行
以至聖人之所不能知行雖廣博無垠然與我未嘗
二也人惟特以有我之私則二矣二則克拓不去一
膜之外便爲胡越天地賢人方且閉隱又何以望其

位天地育萬物惟忠信以日進其德強恕以日求其仁則知能之良不至極喪滿腔之中皆是惻隱而天地萬物與我一矣一則存之一心莫非親親長長之實理而足以立天下之大本達之萬變莫非民胞物與之實事而足以行天下之大道又何所不至何所不通而所謂位之育之者特舉而措之爾吾黨不聞此教也久矣同儕肯將揭示四章心味而身體之則大學之始所謂格致誠正中庸之終所謂無聲無臭者不在簡冊聖人之所謂一貫者不在孔子而皆在

我矣甚勿自誇聖人爲絕學也

答王汝誠

孔子曰下學而上達知我者其天乎

某

佩此言亦不

敢爲驚世駭俗之事惟于日用下學上追討然所謂下學者亦非空言亦非泛言也惟處已接人自己覺照曰此聲色也此貨利也此客氣也尋討此三者治之而已恐聖人所謂閑邪者不遑如此執事書來謂性命之微無聲無臭旣曰無聲無臭矣又何以下功夫乎又以飲食男女上做工夫已落第二義此則

非某之所知也禪家分三乘最上一乘所言大乘不知大乘所言小乘不知或者執事乃最上一乘之言也謹復

遺珠忘者

陳近夫以近日得忘病書此與之

唐人有病忘者朝之事則暮忘焉夜之事則日忘焉行其庭則忘宮室之美入其室則忘妾妾顏色人或
有忤則忘其人之姓名大家巨室則忘其人之崇高
富貴而不諂屈見貨財則忘其藏蓄忘其遺于子孫
處事則忘其軀體如疴如顛淡如也以忘之故貧其

其妻求醫以療夫之病累不愈張說爲相聞而憐之
有記事珠玩弄于掌卽能記事價萬金遣人遺之忘
者曰忘固不可記猶不可吾鄉有能記者伶然而慙
欲然而慧甫八歲日能記萬言舉于鄉舉于朝官至
獨坐能記書能記子史獨不能記其親記其君居家
則有私財而忘其親居國則曠官職而忘其君日惟
聲色宮室貨利是記余之忘不過忘其日用之常耳
君親大者念念未嘗忘也以是而記不如不記之爲
愈還其珠於相公來子聞而嘆曰此忘者必隱者也

無意必固我之私蓋聖人之徒也繼而來子又悟之
曰惟其能忘所以不忘惟其不忘所以有忘忘之義
大矣哉而今而後始知忘物忘我者而后不忘君親
也忠臣孝子忘而已矣

病足

五首

自笑生平定脚根
鑊鞋踏破覓天真
應知孔氏傳心印
不與高材疾足人

花下臺邊一杖前
長安路上久無緣
只惟月窟攀援處
脚踏天根是跛仙

春日春風歌咏歸舞雩童冠換春衣天涯一望蕭蕭
客誰是躡踵誰是飛

小時去入下和場覓得仙家駕鶴方來往瀛洲惟駕
鶴不須兩脚去奔忙

回琴點瑟作生涯泗水春風富貴奢好笑唐人鍊拐
李草衣木食弄青蛇

楊兩洲臨別索墨跡

此身天地大而胡居然小小之却爲何喪我此至寶
此寶無聲臭無處可探討充之塞天地歛之極微眇

何處可覓之玄關一句了西方有妖狐千年生羽翹
能作人言語言語過機巧名爲覓寶人長途乘驥裹
我奉上帝命兀然坐山表舉劍斬妖狐妖狐化爲鳥
能飛又有文彖械葱窈窕萬鳥俱從之啗噴聚木杪
我聲鳳一鳴萬鳥裂其腦

答陳近夫

鄙人非不知致良知也但問致良知何以下入門功
夫耳自古聖賢未有不苦心蟲沒者宰予晝寢孔子
且責之以朽木糞土未有青天白日止閉目坐而可

爲用功者白日閉目而坐與晝寢何異哉恐執事聽
古人默坐澄心之言又聽今日致良知之言未曾自
家下手耳譬之燒丹然何以入藥何以封鼎何以加
火何以溫養未有縮手旁觀而止聽人說者熟思之

寄周壽齋冉西陵

註易求溪已十秋樓臺遲日近丹丘吳江每問周公
瑾泗水長思冉伯牛芳草春風生窈窕遠林夕籟帶
喧啾故人不負山陰興尋訪寧忘夜泛舟

寄秦獻葵

前年把袂別求溪又見求溪柳絮飛笑我支離爲客
久與君傾倒會時稀山中霧豹知當變遯者沙鷗只
自肥欲拆梅花來寄遠春風二月已菲微

答吳蒙泉

兄書來以某詩似升庵學似白沙誤矣不知某自比

李白有說其說亦長也豈但兄有此疑親鄉里亦有
此疑緣某少年妄意發憤聖賢無傳授無門路只得

日夜讀書忘食忘寢不意偶一日門路通矣若某與

升庵全不同蓋升庵宰相之子又大魁天下偶過涉

滅頂如自天而墜于淵日日是憂文章以憂而得之者也
其則蓬蒿之子平生不以富貴爲事甘貧慣熟偶得聞道
如自淵而升于天日日是樂文章以樂而得之者也
雖彼此通多讀書然作用不同若兄評將進酒一篇
評論差矣其之將進酒與李白意向全不同天淵懸
絕蓋道言也指冬瓜說葫蘆若以唐人之詩求其之
詩不知說甚話矣故爲白沙之學者必非升庵之詩
做升庵之詩者必非白沙之學言者心之聲豈有詩
自詩而學自學乎一笑

輓隆見山

有序

見山儀標豐偉資性純雅庚辰歲余客求溪
註易適見山豎一書堂于樓后跨樓遠眺亦
竒觀也乃邀余飲懇余筆跡余書一聯于堂
云白屋三間退一步愈見超度青山萬疊登
九仞更覺高明自后常載酒買月亭見余格
物圖諸篇肯首嘆服起立曰恨未早得拜門
下也以深山木石鹿豕之中得斯人亦可謂
知我矣丁亥春見山遊岱宗余卽欲走弔以

病足不能除夕前二日扶筇往之見余筆跡
猶如故也不覺傷悼仍席上成四韻書之于

壁

參差樓閣傍溪沙記得相逢滿樹花天上又廻新斗
柄堂前猶掛舊龍蛇殘崖古木啼猿急野水孤雲落
日斜欲寫當年知我意不堪拈筆對寒鴉

戊子求溪元日縱筆

十首

流水高山半調琴琴中白雪幾傳神翻因註易長爲
客懶把鄉書寄與人九仞功夫惟一篲十年心事只

三春乘槎便去騰銀漢不許張騫再問津

誰道求溪萬壑中求溪風味別穹崇竹垂鸚鵡渾身
綠楓帶丹砂滿面紅關朗當年原是比丁寬此日又
之東鳳鳴自是驚凡鳥未論梧桐與枳叢

作客青山歲又新臘梅猶帶舊香魂鳥銜春色來花
場風送晴光到我門共識伏羲文字祖誰知孔伋聖
人孫幾番獨立通明殿朶朶紅雲捧至尊

元日題詩倒竹尊開尊細論此生心十年恍若居三
島一刻從來值萬金春曉倉庚啼淑氣秋深鴻鴈報

佳音尋常咫尺俱成樂肯學相如賦上林

春日春山翠欲流生平學問不悲秋高門白玉來傳
酒滿席青絲似鬪裴伯樂有情長顧馬庖丁無意見
全牛醉酣便拉洪崖袖橫駕蒼虬去十洲

方傾栢葉歡新

歲仍對梅花叙舊年雪裏誰人知玉馬眼中何物是
金蓮神仙自古無名位騎得鸞鳳便上天

我有春情滿壯懷春情懷抱對誰開必生芳草傳消
息方遣流鶯說去來紅日幾番輝白玉赤松今亦變

黃梅天涯元旦探春客次第商量莫浪猜

蕭蕭竹院淡于僧懶學人間驥尾蠅花柳春風一杯
酒樓臺夜月十年燈溪中童冠將歌舞匣裏雌雄已
蜚騰爾熱反看真箇事紅霞高照玉壺水

楠毫隨意咏東皇陽春有脚無貧
富芳草多情第短長赤鳳從今隨我駕黃封原不許
人嘗求溪泗水知相接莫在其中得釣墻

千杯得興六窓呼自笑平生一事無偶學屠龍尋水
鏡翻來釣月得珊瑚南枝漸發春將曉北斗新廻夜

未徂輕舉他年歸碧落求溪應盡出關圖

答譚敬所 二首

敬所與余別二十年似不知余所爲何事也
就來書之意答之

註易求溪十二年兼葭幾度憶留連風流也近陶彭
澤踈懶多應孟浩然春老野花眠竹徑雨餘謝豹掛
桑顛可憐許耳無人洗誰聽幽蘭月下絃

求峰萬朵插層霄買月孤亭架半腰崖下往來惟鹿
豕溪邊問答止漁樵多君書翰能千里顧我心情只

六橋無限相思相見意危欄獨立亂花飄

答陳七峰郡丞

用韻

寶瑟朱絃拂雪莊儀刑髣髴見玄裳遼東笑我空驚
白潁水看誰尚憶黃春到物華詩覺秀交于慷慨味
偏長何時共坐松根下嚼月斟霞夜未央

駁谷蝸廬廠石栖枯杪野竹與雲齊春風有腳尋常
到謝豹無心咫尺啼塞上幾能知去馬人間誰不愛
懸犀年來最喜忘機事山自爭高水自低

答贈郭明府

南衡高齊天西華去天咫我昔曾遊之今已二載矣
美人坐秋阪邂逅相徙倚傾蓋倏忽間咳唾亦蘭芷
錫我秋水篇鑿鑿皆至理白雪點紅爐渾然無渣滓
當空鳳一鳴百鳥聲齊止日月如跳丸流易速如矢
昨日在南隆今朝自建始鳳鳴本朝陽復爾暫棲枳
學道則愛人絃歌今滿耳有樹種甘棠有衣補豸史
我客求溪久孤亭架碕礧註易于其間屈指今一紀
磨磚欲成鏡癡劣應至此一別各天涯美人不我鄙
今夕又何夕飛翰來千里開槭如見面令我陶然喜

吾道歌嚶嚶有宮復有徵感此纏綿意無由報木李
聊將尺素書託此溪中鯉

答黎樵石

書來以朱子羽翼聖道苦辛一番還當以明德爲虛
靈不昧殊不知道在天地乃天下之公道也縱朱元
晦生同其時某此言一出亦不失爲先生之忠臣直
友況此言不自某出乃孔子門人之傳某不過表章
之耳何也所謂平天下在治其國者一節乃當時孔
子親炙門人釋經文古之欲明明德于天下者先治

其國二句也親炙門人已曰老老長長矣故孟子亦曰人人親其親長其長而天下平執事從朱子之虛靈不昧乎從親炙門人老老長長乎若從朱子之說則親炙門人之傳皆不是矣明德冠大學之首所係匪輕故某常以孟子没后道喪千載爲可哀者此也差之厘毫謬以千里執事其反覆思之

用張南軒贈朱元晦首二句起韻贈謝郭青螺君侯起南服豪氣蓋九州云何名爲豪毅然追前修斯道日中天典刑在尼丘邇來數千年泗水風颼颼

志士當此時臨河嘆無舟鳳鳥久不至百鳥相喧啾
赫赫聲利場奔趨速置郵自非有豪氣安得挽狂流
有美發靈籥默契魯與鄒揭示錦城彥文翁非所侔
吾道有王張赤幟飛旗旒械械變人文舊習倏然瘳
顧我亦何人藥籠亦兼收駑馬不堪策絕塵望驛驕
許易買月亭于今十二秋登山不到頂登之亦何由
掘井不及泉棄井亦可羞因之遂久淹歲月長驚道
攬轡校梁山文光入斗牛山深道阻長瞻望空凝眸
君侯起南服豪氣蓋九州

書便面贈送蔡令長

別時容易會時難莫把相逢作易看竹馬今朝留郭
伋蒲鞭何日見劉寬山中偃臥雲穿榻天外懷人月
上竿廬阜此行應不又台星聚處是長安

萬里長空一鶴飛黃鸞紫燕避光儀小孤楚地應相
近大縣才華更見奇未折梅花逢去使欲憑瑤草寄
相思年來註易踈唐律惟記甘棠召伯詩

梅溪

贈周十二

朱明道士愛滄浪剪裁雲縷舞霓裳解佩盈盈煙浦

上一聲龍笛度瀟湘冷香入夢長
樗散江妃也學梳粧懶檀郎
自作射姑仙春官一向難勾管
買山不必問西湖處士之骨
今應枯獨憐芳草拖裙綠
十二蟾蜍夜夜孤頓有之亭
亦草草鸞翔鳥步江山老荆壁
一時飛上天暝煙殘日難追
討惟此源泉活潑來橫枝
疎影壓蒼苔一般清意兩奇
絕短屐長髯只浪猜有時溪
梅忘人我夾桃帶李種亦可
欲問廣平心上事不在前溪
花旖旎莫道高標自獨持
芳心只許川流知那堪一
結青青子還有調羹止渴時

忍

人之七情。惟怒難制。制怒之藥。忍爲妙劑。醫之不早。厥躬速戾。滔天之水。生于其微。燎原之火。起于其細。兩石相撞。必有一碎。兩虎俱鬪。必有一斃。怒若攻面。耳熱面赤。忍則解表。冰消霧釋。怒若結胸。霍亂喘急。忍則理中。風光月霽。怒以動成。忍以靜息。怒主乎開。忍主乎閉。方忍之初。止醫怒氣。忍之至再。漸無芥蒂。再之至百。卽張公藝。無所不忍。量如天地。有容乃大。必忍有濟。

答譚後山

千金難博老來閒，爲老題詩寄後山。
當日長思杯斝綠，而今不覺鬢毛斑。
杜鵑雨久啼千樹，芳草春殘迥一灣。
歲月跳丸成甚事，笑誰作客未曾還。

答方玉崗

求溪峰下咏蒼浪，赤甲山前寄玉崗。
五載別來猶是夢，四明老去更添狂。
著書作客時將暮，懷友吟詩夜未央。
不識何年能對酒，麥枯啼遍滿村秧。

麥枯鳥名

清風兩袖歌贈蔡令長，以繁轉臨川。

有序

蔡諱思穆道號熙垣湖廣攸縣人

高堂簾幙燕新泥
風煖溪橋柳掛絲
纔放小桃紅入萼
正是清風兩袖時
美人少年自高格
紅月手提如琥珀
走馬獻賦明光宮
來宰錦江巴子國
九溪三峽見飛鳧
清秋白日照水壺
常聞齋馬嘶芳草
不將塵甑羨萊蕪
火齊結綠飛泉漱
山陰無事簾垂晝
平常見客似無官
繾綣愛民如有舊
一日偶聞轉豫章
四郊赤子眉齊皺
我之父母欲何之
皇天原不分肥瘦
檢點行囊一物無
惟有清風攜兩袖
黃童白叟滿長

達板轅臥轍如嬰兒未見狄公當日祀已成何武去
時思客路春風鶯出谷鳴鶯文彩當朝旭九子峰高
插笋尖七澤江深澄鴨綠清風清風興更嘉誓時披
拂河陽花方作蘭臺快哉賦蒲城倏爾發天葩有時
清風入豸補六月嚴霜生栢府一雨洗清六合冤攬
轡埋輪日未午有時清風到三台黃閣傳呼宰相來
帝典王謨賡喜起臯憂禹稷相追陪清風清風我不
負爾爾又何負於我哉丈夫出世須皎皎喫着笑誰
問溫飽幾番獨立崑崙巔一望天涯何草草不將紅

葉化青龍却把紫珠彈白鳥清風清風侑彼清風
彈此清風絃自古聖賢無貴賤騎得清風便上天子
游清風旣已去澹臺明月共誰圓清風清風歌聲借
采詩何人奏

三殿 三代之正學不明而孝廉之舉又廢清風兩
袖聞其語而未見其人矣令長下車卽以薛
公名言置座側以金玉其身視民如傷一介
不取余幸見斯人以其足以起頑立懦也故
作此歌爲觀風者采焉爲夔路名宦春秋采

馬蓋卽白樂天之新樂府
日休之正樂府

也

醉時歌酬覃葵南

平生不作皺眉臉
逢人每恨杯中淺
斗酒騎鴻便上
天上帝亦知來矣
鮮春風春日百
花開求溪又遇
故人來故人相
逢仍一斗一斗
相逢亦快哉
白水青山
留我老三都
九辨憐君巧
許多才子
赴明光
木難
玃
璨如君少
飛身我欲
上棲霞
洞名
丹成共
去服黃芽
殿閣樓臺
別有境
莫學人
間作小
家此境
眼前卽
欲到

我詩磊磊發靈竅黃芽服後臉純紅與君把袂同長
嘯長嘯一聲海月高月高酒水自滔滔回首尼山何
處是不知世上何者號嶢嶢醉時歌歌罷依然澆斗
酒君不見李白斗酒詩百篇大匡小匡今日又生修
月手

雪

天王有詔下藤六風雲天上隨追逐俄頃之間世界
殊不覺書齋成素玉素玉素玉化爲龍旣騎翠竹又
騎松一龍變化承恩詔千龍萬龍來相從我詩一見

隨龍走大呼小叫同龍吼百篇落紙若有神不必揮
毫須斗酒揮毫落紙句何奇鬪白爭妍光陸離躡蹀
驟舞千年鶴窈窕旋生五色芝駕鶴食芝從此去咫
尺雲霄風可御振衣直上泰山巔壇上還餘舊杏樹
杏樹森森亦可憐誰知藤六已成仙天王再詔杲日
前藤六依然詔上天

送楊驛宰致仕還楚

終日思歸不得歸得歸此日似雄飛一官白首成何
事三徑黃花想漸稀巫峽夢回家已近湘江春到鱖

初肥郎君自是雲霄客且莫溪邊問釣磯

賦得歸去好送李學博致仕

君不見鮑老當筵笑郭郎笑他舞袖太琅璫當筵之
人一竝笑前後左右皆顛狂及爾鮑老當筵舞依然
舞袖長于組當筵之人復笑之齊聲絕倒無賓主人
生通欲舞此場舞罷方收入篋囊亘古亘今皆如此
看定不憚半幅紙青蓮道士珊瑚柯光芒玳瑁燦纖
阿河汾生徒相肩摩山斗壁立高嵯峨爾來掛冠反
芰荷山中風味自殊科二月春草綠如羅幾群黃犢

遍山坡親朋把酒白玉醴寬杯大爵固常酌方修五
柳先生傳忽聽滄浪孺子歌世間日月疾如梭石火
光華倏忽過路翻宦海盡洪波管破春情不在多人
生歸去好歸去復如何歸去好歸去好香山今又添
一老

贈譚二酉赴成都

何時別美人今日復山嶠酌酒與美人美人笑絕倒
偶見鵲鶴飛變爲和鳴鳥世味不長甘或時辛如夢
世路不常平或時坡如島篙師舵在手風波自是小

惟有達者知陰晴笑卽了水本向東流赴西終然少
片雲倏忽生明月終皎皎卽有照水犀百恠一齊掃
美人紅鸞姿致身霄漢早邴林有一枝原是君家寶
蛟龍得雲雨肯戀此池沼功名駟馬知勲業麒麟好
麋鹿臥長林笑我其中老附尾慚先達橫經共探討
耿雪到紅爐變化自然巧贈爾木難華侑之金光草
榻管拂吟髭一笑關河曉

雨中留贈譚敬所

故人咫尺隔涔濱背郭溪橋欲漲時又是一番留客

雨再題八句贈君詩謝安終爲蒼生起王烈多應白石知莫謂朱絃空浪調世間亦自有鍾期

贈別徐華陽司馬感謝之意見乎其辭

時晉 夔州

巫峽之水清于油十二之峰翠欲流高唐樓觀枕江洲下香筇竹風颼颼少年宰相正黑頭匡時白筆煥嘉猷 王恩西顧念綢繆推轂西羗正借籌五月加樓下益州雲旌扔列九花蚪鶴郝鮮斂十里樞佩刀鷗鷗江光浮馮夷江怪潛控湫蒼生赤子遮行驛客予自笑眠空谷不友縉紳友麋鹿一弄先天字宙圓

菜根有味過梁肉幾番親見伏羲來來往春官三十

六矮屋誰懸高士名

特贈德梁州高士扁

松鶴沙鷗箇箇驚品

題一字知華袞論價還輕十五城生平之願今朝遂
不願封侯願識荆夜夜懷人紛六鑿飄飄百籟生簾
箔寄詩方染江淹毫乘風欲駕揚州鶴勝引何當斗
十千談玄夜午燈花落豈知闕伯駕火龍草堂遂禁
山人脚別去瞿唐灑潏堆小孤大別亦奇哉晤言促
膝知何地蒲腔懷抱向誰開莫羨東山松菊媚三台
四輔正需才遭逢禹稷當平世翻笑陶潛歸去來

書便面贈別馮令長文郎昆玉還宛陵

二首

七月巴川天復漏媧皇不肯重結構山深路邈客來稀
獨木柴門掩清晝有美江南突馬來翩翩琴鶴令人猜
雙劍倘非牛斗客千金定是上燕臺陸家兄弟多詞藻
王氏父子阿戎好金精玉兔桂香浮許國承家俱皎皎
箕裘心學本家傳秋風愈覺壯龍泉霧拂青山知豹變
春歸綠水聽鶯遷丈夫出處無平仄紅鸞易處長高格
幽蘭且調五根絲槐市好磨三石鏡扁舟噉噉下瞿唐
一聲江笛鴈衡陽豐城若遇懸羸

紫走馬便去獻長楊通家自此成知己蜀水揚瀾通
萬里他年隔別寄雙魚玉堂東閣西清裏

王喬丹熟爲仙令驅雞擾雉神明政夜來惟有雙鳥
飛照人多是楊州鏡高門于氏有先知徐卿二子媿
然寄白鹽赤甲三川遠愛日瞻雲各有私正當召伯
循行役又是胡威跪問時此行無異遊蓬島十二巫
雲猶筆掃霜回七澤鴈奴高波平三峽彭郎小湘君
鳴佩駕青霓龍女吹簫掉翠鏡彩筆驚回五色鳥還
家夢繞枕中雞二妙翩翩誰不羨十幅蒲帆疾于箭

有日拈毫燕子磯春深走馬曲江宴賦終奏入明光
宮詔成捧下麒麟殿知君健步負年華此事指掌如
揮扇笑我雙鬢同秋草間道當年恨不早惟有先天
一粒丹不隨東汜西崑老衡門無事自蕭蕭寰中何
物喚高標一瓢事業惟知樂五柳生涯只重腰題詩
遠送路迢迢何時金玉到漁樵宛陵若有相思夢五
色杪權萬里橋

峨眉山有五色杪權樹呂洞
質詩云來看杪權五色花

席上口占答梅鳳臺

梅福隔別久舟載不得見知在吳市門相思長一線

白髮映紅顏寫字猶葱蒨日月如穿梭迅速卽謝電
舊懽晨之星稀疎三五獻故人偶寄書千里如對面
笑我臥山中白雲長一片求溪作客久尋常不到縣
今年六十餘著書五十卷聞道長恨遲忽焉歲已晏
寡過愧未能早暮思遽瑗又爲虛名累多爲官長薦
何時又重逢得遂山陽願口占答故人趣此秋風便

題得四邑一心篇贈馮錦橋邑侯榮獎

有序

秋天萬里秋色明秋山轟轟秋水清廣寒宮闕開水
晶桂香醇醇蒲庭生鐘山美人馮元淑才華皎皎懸

黎玉少年慷慨赴長揚紫電姚然光可掬出宰桐鄉
慈愛多福星燦爛光明燭冰壺長對金精圓不獨片
言能折獄王家久任爲真才豫章借寇仍巴蜀翻翻
一鶴穿巫岑綠綺修况作龍吟巴蜀之民反裘久隨
車膏雨卽甘霖四郊赤子歌馮父山斗仍瞻在士林
一路當塗珍重久黃鳥時時送好音十年不論曾三
任四邑惟知此一心此心丹訣從東魯操存長在不
聞睹甘棠也向此心裁豸服只于胸次補君不見河
陽一縣花年來天地亦奢華農祥時照春嶠勝千樹

萬樹蒸紅霞又不見中牟雉滿道前者扔雛後者叫
提舞山童不忍捕麗子餘須成一笑花可採雉可呼
眼前景致錦氍舖俗吏多于花鳥之上用功夫粉飾
太平塗丹朱愛民之意秦越踈豈如明公實政惟在
一心裏學道愛人方如此百里豈能展驥鞭鸞鳳端
不棲叢枳明年鳳詔下龍墀還以一心獻

天子

右一心者一心愛民也候歷四邑一心愛民惟
于心上用功夫故不粉飾花鳥聽斷不論權豪

不論契厚惟主之以理人以神明服之考察駐
梁未嘗剥民奉上歲減民五百金一字不下鄉
落奸猾潛跡凡蘭則植之凡棘則鋤之人有不
及于理者卽責以大義口之所言卽其心之所
存不藏睚眦之怒天性類如此侯蓋光明正直
君子也常對_某曰功名有數歷官已來惟不愧
此一心耳故梁連年旱魃賴以盜息民安大哉
心乎利民亦溥矣德愚劣喜人講心茲兩院交
旌因賦此贈之

吳十洲道士索墨跡

顏回命短今翻長
洙泗春風日日香
識得孔門真樂事
再短數歲有何妨
伯夷受餓而今飽
高節清風長不老
古來多少醉飽人
黑風吹沙埋腐草
大江之水日夜流
滔滔都去赴瀛洲
海童馬銜長自笑
千溪萬壑不回頭
人生寄世真行客
正如溪壑赴水國
一番波浪一番人
不覺鬢隨波浪白
富貴不怕金堆山
堆山也要歸真宅
王母桃紅如火燒
方朔偷兒去幾遭
偷桃之時誰得見
文人羽客空相高
莫讀抱朴子世

間有生必有死試問劉安癡不癡天上那得雞犬飛
壽白崖兄七十五

哦哦赤牛城漶漶沙河浦兄弟伯仲間鷗鷺結盟主
日月如跳丸四時易萋萋朝露托桐葉忽焉箭脫弩
吾宗人多壽或者乃風土大兄八十三二兄七十五
猶寫蠅頭字健步不用拄少壯仕東南慨然解簪組
晚年多兒孫衣冠相接武弄孫識軒渠各位當出祖
阿戎灼灼姿喬梓成仰俯白髮鹿皮翁當時揮一麈
栗里有古風不苟入城府嘆然無一事抱膝吟梁

客或偶爾到桑麻愛談吐望杏及瞻蒲餘須陳馬乳
山肴雜菲葑誇甚龍根脯客若半醉時移席黃花塲
嗷噓誼蒲堂不飲出童殺何必慕神仙丹經講龍虎
我客求溪父六經成網罟三十方聞道不羨雞林賈
而今已老大信步登東魯今來祝兄壽兄弟齊歌舞
願兄比南山巖巢亘今古酒酣筆如杠玃璫書家譜

四時詞

六言四首

溪前溪後雲深山北山南路古顏子之瓢惟一先生
之柳有五

花枝故故披籬身語聲聳人坐添我本是三分笑誰
只作一箇

黃開三徑之中白落萬川之裏或萬或三乃數能黃
能白是理

仲尼自然愛易茂叔爲甚尋顏五色常驚落筆三餘
不肯開關

秦吉齋醉後索墨跡

誓誓誓我亦不知自家樂十年註易求溪閣西崑東
此猶如昨哈哈草堂今日故人來沙尊特爲故人

開眼花傾倒不須猜皎皎幾人白日春蓬島
光陰過目鳥剗伶已後知音少

遊旱田塢至達境寄黃少岷

素節迎飛霜忽過旱田塢已至達之境一溪隔